



Senin, 03 April 2024

Ogen: 1 Samuel 25:14-31



Mperdameken



Sekalok ndehara si pentar lalap rusaha nelamatkan se isi jabuna. Metenget nandangi ngoge situasi si nandangi jadi. Gelarna Abigail, ia ndehara Nabal. Itandaina alu mbages biak bas perbulangenna. Kenca ibegina perbahanen perbulangenna si la mehamat nandangi Daud, minter ia rukur kai ndia ibahan guna nelamatkan jabu bage pe Daud. Uga gelah dame dengen kejuah-juahen e jadi. Erdandanken si e minter kuskas ia ngaturken persembahne guna purpur sage, iwakilkenna dirina ngadap man Daud segelah sura-sura Daud i bas mbalas perbahanen Nabal e la tersehi. Arah ranan sibelaskenna e mpetetap ukur Daud guna surut i bas sura-sura erbalas seh maka perbahanen Abigail enda maba keselamatan man jabuna bage pe man Daud.

Lit singatakenca maka "fokus anda menentukan sikap dan tindakan anda" arah kata enda mabai kita selaku Moria ngidah ku ja kin fokus geluhta. Melala nge si ersura ngerehken perpecahen ku bas kecibal jabu, bage pe kegeluhen sekelewetta. Erlajar arah Abigail fokus maba perdamen maka perbahanen-perbahanen si lakokenna e me uga gelah dame. Selaku kalak si erkiniteken kita isuruh jadi agen perdamen, bagi Dibata reh ku doni enda maba kedamen bage ka me jadi tugas ras tanggung jababta guna maba dame. Kedamen e arus ibenai i bas cara rukurta nari, si rusur man ukuren, kai nge tole si man bahanen segelah dame e jadi. Maya Engelo pernah ngatakan "*wanita bijak berharap tidak menjadi musuh siapapun, wanita bijak menolak menjadi korban siapapun.*" Ertina kegeluhenta selaku diberu si pentar arusna ncidahkan maka i japa pe kita ngasup jadi teman man ise pe. Jadi teman labo jadi musuh, sabap teman e erusaha tetap maba kiniulin ras kemalemen ate. Ambah si arus pentar segelah la memperalat entah iperalat kalak sideban seh maka jadi korban ibahan kalak sideban. Gelah la jadi korban tentu arus lit pemeteh ras kepentarennta i bas erteman. Abigail enggo ngelakoken si e seh maka kedamen, keselamatan e jadi man bana ras sekelewetna.



